

TESTAMENT D' BURICINELLA

Pr' ar Cranvà d' Voghera dar 1876

Vogheres ! Buricinella
L' è mez mort , agh' manca ar fià ;
Su sgaggev , fè oun' opra bella
Oun Noudar , par carità !

G' hoeu ra ment sana e tranquilla
G' hoeu ra fed d' oun bon Cristian ,
Su sgaggev ! ar bronz ou squilla ,
Sent ch' ou sona : dan, dan, dan.

El già chi ? braou ! ch' ous' setta ,
Lu ou scriverà soutt' ar dettà ,
Lì gh' è tutt , (ch' oum' daga retta)
Piuma , carta e carimà .

Lego e lascio ra mé vigna ,
Ch' l' è ra vigna dar signour . . .
- Ti Voghera t' è una frigna ,
Ti tè sempr' ad mal umour

Parchè piansat ? - *lascio e lego*
Tutta quanta e come stà
Ai Lunatich (*alter ego*)
Tuta , si , in eredità .

Parchè piansat ? ar Tiburi
L' è par tì , me soul amour
E là soutt' , cercandt' I puri ,
Pu d' insœun t' avrè roussour .

Donca cittou . . . , *lego e lascio*
A ti sola I mè parpè ,
Cou i cedoul *in un fascio* ,
A ti sola , mè moujè ;

Par finì ra gran facciada
Dar Tiburi e i Tiburien ,
Parchè mì già vœui cra crada
L' opra strana d' Macciachen .

Lego e lascio ar Manicomi . . .
- Povar mi ! sa pens ai matt ,
Che magon , che mal da stomi ! -
Sa poudiss al las ai ratt .

Lego ar pont dra Madonena ,
Che quant prima *ci sarà* ,
A tutt couj , che dra collena
I vniran par fà ar Marcà :

Riservanda a j' Idropatich
Ad Retorbid oun passag
- Am sariss tropp' antipatich
Fagh' a lour pagà ar pedagg !

Ed allora ra Pontzela
Stou lavour d' antichità
Lass ai soci dra Rossela
Par portass a pattinà .

Ar progett dl' *Ufficio d' Arte*
Risguardant i nœuv giarden
Vœuj ch' ous' sfassa , *in tutto o in parte*
- A Tortona van no ben ?

E intrattant che mi , aspetanda
L' eresion di Monument
A strarœ lassù cantanda
Con i Sant allegrament ,

D' oun ricovar l' apertura
Par i povar dar Pais
As farà , par ra sventura ,
Par i vegg d' j cavì gris .

Sur Noudar , mi domand scusa
Lu , sicura , ou sarà stracch !
- Ra matassa l' è confusa -
S' l' è sudà , ch' ous cava ar fracch .

Ar me fracch , ra me marsena
Par ricord , ai lass a lù
E ra Cabala d' Pevrena
A Minghett . . . aih , n' in pœss pù

A Cassan lassria magari
Ra me Cagna , e i me du Brocch
A ' r Grandon , l' umanitari ,
Da divid in tanti tocch !

Vogheres ! ar bronz ou squilla
Vœuj murì da bon Cristian ,
G' hoeu ra ment sana e tranquilla
Sent ch' ou sona : dan, dan, dan.

Vogheres ! *il fiato scappa* ,
Ar Cranvà l' è a l' ultim dì ,
- Vu dar rest fè ciappa , ciappa
Demm ra piuma ! - l' è finì -